



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

Nr. 206 prot.

Fushë-Arrëz, më 24. 01. 2025

PROCESVERBAL I DËGJESËS PUBLIKE

**Mbi Draftin e Planit të Integritetit të Bashkisë Fushë-Arrëz për periudhën
2025-2027 .**

I mbajtur sot, më **24.01.2025**.

Vendi: Në sallën e mbledhjeve të Këshillit Bashkiak Fushë-Arrëz

Ora: **11:00**

**TEMA: DËGJESË PUBLIKE "Mbi Draftin e Planit të Integritetit të Bashkisë
Fushë-Arrëz për periudhën 2025-2027 ".**

Në takim marrin pjesë:

Hil Curri, Kryetar i Bashkisë Fushë-Arrëz;
Hil Kola, Zëvendëskryetar i Bashkisë Fushë-Arrëz;
Aldi Lepuri, Jurist në Bashkinë Fushë-Arrëz ;
Sidorela Katroshi, Përgjegjëse e Zyrës së Çështjeve Sociale;
Naze Selimaj, Sekretar i Këshillit Bashkiak Fushë-Arrëz.

Të pranishëm në këtë konsultë janë **banorë të Bashkisë Fushë-Arrëz, anëtarë të Këshillit Bashkiak, drejtues të Kopshtit, QKF-së, Çerdhes së fëmijëve, Kryetarë të fshatrave si dhe drejtues të zyrave specifike dhe punonjës të Administratës së Bashkisë Fushë-Arrëz.**

Naze Selimaj, Sekretar i Këshillit Bashkiak Fushë-Arrëz:

Përsëndetje të nderuar pjesëmarrës, mirë se keni ardhë! Në mbështetje dhe zbatim të nenit 18 dhe nenit 54 shkronja "k" të ligjit Nr.139/2015 "Për Vetëqeverisjen Vendore" i ndryshuar, të ligjit nr.146/2014 për Njoftimin dhe Konsultimin Publik, të Rregullores së përgjithshme të Këshillit Bashkiak VKB nr. 15, datë 27/04/2020 dhe Rregullores së konsultimeve me publikun të Këshillit Bashkiak VKB nr16, datë 27/04/2020, Këshilli Bashkiak Fushë Arrëz, ka njoftuar kohë më parë zhvillimin e kësaj dëgjese publike për diskutimin e projektvendimit "Mbi Planin e Integritetit të Bashkisë Fushë-Arrëz për periudhën 2025-2027" i cili do të fillojë zbatimin pas miratimit nga Këshilli Bashkiak.

Adresa: Rruga Qendër, Bashkia Fushë-Arrëz

email: info@bashkiafushearrez.gov.al

Duke ju falenderuar që jeni sot këtu, ju ftoj të dëgjojmë zyrat përkatëse lidhur me këtë plan dhe më pas mundeni të jepni mendimet dhe sugjerimet tuaja. Për detaje të hollësishme lidhur me këtë plan, fjala për

Aldi Lepuri, Jurist në Bashkinë Fushë-Arrëz:

Njësitë e vetëqeverisjes vendore gjatë ushtrimit të veprimtarisë së tyre, përballen me risqe korrupsioni që mund të kenë pasoja negative në përmbushjen e objektivave të synuara. Risku i integritetit është një problem ekzistues për të gjitha nivelet e qeverisjes.

Gjithsesi në vetëqeverisjen vendore ai bëhet edhe më i ndjeshëm duke qenë se bashkitë qeverisin më pranë qytetarëve e si rrjedhojë kontaktet ndërmjet zyrtarëve të qeverisjes vendore dhe publikut janë më të shpeshta, duke rritur kështu dhe mundësitë për shfaqjen e risqeve të të tilla si raste të shfaqjes së konfliktit të interesit, nxjerrje e një informacioni konfidencial apo privat, diskriminim, etj.

Nga ana tjetër bashkitë e vogla përballen me sfida të shtuara për sigurimin e kapaciteteve njerëzore, financiare dhe teknike për përmbushjen e funksioneve të tyre me një standard të lartë për qytetarët.

Si rrjedhojë, Bashkia Fushë-Arrëz ka ndërmarrë nismën për miratimin e Planit të Integritetit për periudhën 2025-2027 me qëllim evidentimin dhe vlerësimin e risqeve të integritetit, si dhe hartimin e një plani masash për minimizimin e tyre në një plan afatmesëm.

Procesi i hartimit të Planit të Integritetit në Bashkinë Fushë-Arrëz kaloi nëpërmjet vlerësimit të fushave të veprimtarisë administrative dhe fushave të funksioneve kryesore që Bashkia gëzon sipas ligjit. Më konkretisht, gjatë procesit u vlerësua:

- Fusha e menaxhimit financiar;
- Fusha e menaxhimit të burimeve njerëzore, duke përfshirë edhe zbatimin e legjislacionit për parandalimin e konfliktit të interesit dhe për të drejtën e informimit dhe njoftimit e konsultimit publik;
- Fusha e kontrollit, auditimit dhe e mekanizmave kundër korrupsionit që përfshin edhe zbatimin e legjislacionit për sinjalizimin dhe mbrojtjen e sinjalizuesve;
- Fusha e shërbimeve publike;
- Fusha e administrimit dhe menaxhimit të pronave;
- Fusha e planifikimit, administrimit dhe zhvillimit të territorit dhe
- Fusha e arkivimit, ruajtjes dhe administrimit të dokumenteve e të informacionit, si dhe të dokumenteve elektronike.

Vlerësimi u zhvillua nga një Grup Pune i ngritur nga Kryetari i Bashkisë ku bënë pjesë përfaqësues të administratës së bashkisë nën drejtimin e ekspertëve të Institutit për Demokraci dhe Ndërmjetësim gjatë periudhës mars-qershor 2024.

Hartimi i Planit të Integritetit në Bashkinë Fushë-Arrëz kaloi në fazat e mëposhtme:

Përgatitja, komunikimi dhe mobilizimi i burimeve njerëzore:

Hapi i parë i procesit të hartimit të Planit të Integritetit konsiston në ngritjen e grupit të punës me përfaqësues nga administrata dhe nga nëpunës të fushave kryesore të funksioneve të bashkisë.

Identifikimi dhe analizimi risqeve të integritetit:

Adresa: Rruga Qendër, Bashkia Fushë-Arrëz

email: info@bashkiafushearrez.gov.al

Grupi i punës ka shqyrtuar kornizën rregullatore, strategjike si dhe dokumente të ndryshme operative të bashkisë.

Në këtë fazë, punonjësit e administratës kanë plotësuar një pyetësor në mënyrë anonime, në formë elektronike për të siguruar të dhëna dhe informacione për vlerësimin e sistemit të menaxhimit të integritetit.

Vlerësimi i risqeve të integritetit:

Risqet e identifikuar u vlerësuan në lidhje me:

- * mundësinë e ndodhjes së një ngjarjeje të padëshiruar kur nuk ka aktivitete kontrolli ose kur ato janë të pamjaftueshme për të parandaluar apo ulur riskun;

- * pasojën që një ngjarje e padëshiruar do të kishte në bashki nëse do të ndodhte.

Mundësia e ndodhjes së riskut dhe ndikimi i tij, u nda në tre kategori vlerësimi: i lartë/i moderuar/ i ulët dhe u renditën sipas prioritetit.

Plani i masave për menaxhimin e integritetit:

Identifikimit dhe vlerësimi i risqeve të integritetit shërben për vetëdijësimin e stafit për problematikën e hasura gjatë ushtrimit të punës së tyre.

Në përfundim të fazës së renditjes së risqeve sipas prioritetit Grupi i Punës diskutoi mbi hartimin e një plani me masa konkrete për adresimin e risqeve të evidentuara. Plani i Veprimit përfshin tërësinë e masave për të adresuar risqet dhe faktorët e risqeve të integritetit të identifikuar sipas fushave të përgjegjësisë së bashkisë Fushë-Arrëz, afatet kohore dhe personat përgjegjës. Ai është një mjet plotësues i politikave dhe kornizës rregullatore për përmirësimin dhe forcimin e integritetit institucional.

Plani i Integritetit do të fillojë zbatimin pas miratimit nga Këshilli Bashkiak.

Hartimi i Planit të Integritetit realizohet në përputhje me metodologjinë për vlerësimin e riskut në Njësitë e Vetëqeverisjes Vendore dhe përdor një qasje metodologjike cilësore dhe sasiore.

Objektivat e identifikuar dhe niveli i përgjithshëm i cënueshmërisë së integritetit:

- ✓ Forcimi i kuadrit të brendshëm rregullator dhe transparenca;
- ✓ Menaxhimi dhe zhvillimi i burimeve njerëzore në bashki, për identifikimin dhe parandalimin e risqeve të integritetit;
- ✓ Menaxhimi i riskut të integritetit në fusha të veçanta të përgjegjësisë së bashkisë.

Plani i Veprimit

Plani i Veprimit përfshin tërësinë e masave për të adresuar risqet dhe faktorët e risqeve të integritetit të identifikuar sipas fushave të përgjegjësisë së bashkisë Fushë-Arrëz. Ai është një mjet plotësues i politikave dhe kornizës rregullatore për përmirësimin dhe forcimin e integritetit institucional.

Monitorimi dhe raportimi i Planit të Veprimit është periodik (çdo vit) dhe pasqyron kryerjen e aktiviteteve nga ana e punonjësve/grupeve të punonjësve përgjegjës për zbatimin e masave të miratuara në të.

Monitorimi do të përcaktojë nëse këto masa të zbatuara kanë qenë efikase, nëse kanë nxjerrë në pah ndryshime të kontekstit të institucionit apo ndryshime të vetë risqeve, të cilat mund të

kërkojnë rishikimin e masave ekzistuese dhe prioriteteve të risqeve (planit të veprimit), si edhe nxjerrjen e mësimave për planifikim më të mirë në të ardhmen.

Bashkia i raporton çdo vit AMVV mbi procesin e vet të zbatimit të Planit të Integritetit dhe procesin e monitorimit.

Aldi Lepuri, duke ju falenderuar për vëmendjen tuaj, mirëpresim sugjerimet dhe mendimin tuaj për këtë projekt-plan.

Hil Curri, Kryetar i Bashkisë Fushë-Arrëz:

Gjatë diskutimit të tij i mëshon faktit që punonjësit e administratës duhet të jenë në një shkallë të lartë komunikimi qoftë me publikun ashtu edhe me njëri tjetrin. Etika në sjellje komunikim dhe veshje është një element shumë i rëndësishëm për të rritë performancën e secilit në punë.

Rritja e performancës në punë është domosdoshmëri për rritjen e performancës së Institucionit.

Sa i përket forcimit të kuadrit të brendshëm rregullator dhe transparencës në gjashtëmujorin e parë 2025 do të caktohet autoriteti përgjegjës për parandalimin e konfliktit të interesave në bashki dhe njëkohësisht do të informohet stafi i bashkisë në lidhje me autoritetin përgjegjës dhe detyrat e tij.

Gjithashtu për gjatë gjashtëmujorit të parë të vitit 2025 Koordinatori për të Drejtën e Informimit/Grupi Punës ka detyrën të bëjë miratimin dhe publikimin e Programit të Transparencës së bashkisë në përputhje me udhëzimet e Komisionerit për të Drejtën e Informimit dhe legjislacionin përkatës. Do të bëhet gjithashtu edhe përditësimi i vazhdueshëm i Programit të Transparencës me informacionin e nevojshëm.

Sa i përket menaxhimit dhe zhvillimit të burimeve njerëzore në bashki, për identifikimin dhe parandalimin e risqeve të integritetit, Burimet Njerëzore/Financa për gjatë gjashtëmujorit të dytë 2025, do të alokojnë një zë të posaçëm buxhetor për mbulimin e kostove të trajnimeve dhe certifikimeve profesionale për punonjësit e bashkisë.

Në gjashtëmujorin e parë të vitit 2026, Bashkia do të bëjë analizën e kapaciteteve ekzistuesve dhe hartimi sipas prioriteteve të planifikimit për shtimin e kapaciteteve njerëzore dhe teknike.

Hil Curri, Kryetar i Bashkisë Fushë-Arrëz:

Ne do t'i referohemi Planit të Integritetit sipas tabelës në projekt, në mënyrë që të normalizojmë të gjithë opsionet e risqeve që mund të çenojnë Integritetin e bashkisë tonë.

Pashk Prendi, përgëzon drejtuesit dhe panelin për dëgjuesën publike dhe njëkohësisht kërkon që herë të tjera në dëgjesa të tilla të shpërndahen në publik material fizik në letër nga projektet, pavarësisht se ato janë të publikuara në websitin zyrtar të bashkisë.





Adresa: Rruga Qendër, Bashkia Fushë-Arrëz

email: info@bashkiafushearrez.gov.al



Naze Selimaj, Sekretar i Këshillit Bashkiak Fushë-Arrëz, meqë nuk ka diskutime apo pyetje nga publiku, takimi mbyllet këtu duke falenderuar të gjithë të pranishmit!

SEKRETAR

Naze SELIMAJ

